

大方等大集經卷第十六

讓六

北涼天竺三藏曇無讖譯

虛空藏菩薩所問品第六之五

說此偈已時魔波旬嚴四種兵來詣佛所到已化作長者形前禮佛足在一面立而白佛言希有世尊此諸大士乃能成就如是不可思議種種神變又能示現不可思議莊嚴之事世尊於未來世有幾所衆生聞此不可思議神變而得開悟決定不疑者也佛告魔波旬言於未來世中少有衆生若一若二聞此

不可思議神變經典得信解者少耳波旬喻如一毛析爲百分以一分毛於大海中取一滴水於汝意云何取者多耶在者多耶波旬言世尊取者甚少在者甚多佛復告波旬言如海中所取水甚少衆生聞是不可思議神變經典能信解者少亦如是如大海中水在者甚多不信解不可思議神變經典者多亦如是佛復告波旬若有一人於恒河沙等劫一日以滿三千大千世界滿中珍寶持用布施不如善男子善女人聞是不可思議神變

經典能信解者其福甚多所以者何波旬若
有信解是經典者則知其人親從釋迦牟尼
如來聞此經典信解無疑何以故波旬若未
種善根衆生聞此世所難信經典能信解者
無有是處波旬我般涅槃後法欲滅時多有
憍慢衆生彼諸衆生著我所說文字不知方
便故各各生於諍競捨思惟法捨已正行爲
利養名譽衣服飲食自纏縛故樂論世俗種
種諸事及世典文辭而不論第一實義不樂
說習佛無上道及向他人譏論如是等真實

深妙經典則爲誹謗諸佛積集無量大苦惱
聚魔神諸天佐助彼人爲利養恭敬及名聞
故重增放逸傲慢彼諸人等以傲慢故若見
有持戒賢行比丘受持讀誦此經典者而輕
慢憎嫉橫生謗毀彼諸愚人則爲現世破犯
禁戒其中或有畏不活者或慙恥於人者假
被袈裟或有捨戒還附俗者如是等人身壞
第六二命終墮阿鼻地獄受諸苦報佛復告波旬於
未來世中若有求菩薩乘衆生著諸因緣善
根微淺新發道意但著文字不能了義於如

是等甚深經典受持讀誦爲人說時則爲他人所見輕賤陵慢以爲他所輕賤陵慢故便捨如是等甚深經典讀誦聲聞辟支佛相應經爲利養名譽種種所須之所纏縛故反誹謗毀譬如是真實甚深經典又復輕賤受持讀誦此經典者乃至不欲以眼觀之常樂卑行退失菩薩大乘之法所謂退失淳至心及深心魔神諸天得如是等人便故勤作方便壞亂其心乃至使令不聞如是等經設當聞者生大誹謗無有信心此人亦復積集無量

罪聚成就破法重業永離三寶不得見佛聞法及供養僧所以者何波旬以於如來所說法律中生疑猶豫故爾時魔波旬自見有過憂愁惶恐前禮佛足在一面立時虛空藏菩薩問波旬言汝何以憂愁憔悴戰慄悚息狀

第六

三

如失志人在一面立耶魔波旬答言善男子我從如來聞說如是等可畏之事是故以爲憂愁恐怖當墮何趣誰當救我我於如來所說法律之中數作無量諸留難事是故憂耳虛空藏言波旬佛法之中有出罪法汝可來

至世尊所可誠心懺悔所作諸惡更莫復作
若能如是可獲善利爲不空過爾時天魔波
旬即前五體投地禮世尊足下仰視如來流
淚涕泣而白佛言世尊我今誠心懺悔從昔
已來於如來所說法律之中數作無量諸留
難事唯願世尊起大悲心以慈愍故願受懺
悔佛言善哉善哉波旬汝乃能自見所作諸
惡爲上善哉能如是悔過罪者於佛法中則
爲弘廣如來法藏諸佛亦受其人悔過是故
汝令勿更復作爾時世尊告衆菩薩言諸賢

士汝等各說過魔界行法爲生憐愍魔波旬
故爾時衆中有一菩薩名金山王在衆中坐
即白佛言世尊若有防護內界者則爲末過
魔界若復有菩薩見一切諸界同佛界者知
此佛界即是非界是爲菩薩能過魔界爾時
寶德菩薩白佛言世尊有依倚巢窟者是爲
魔界若有菩薩不倚巢窟知一切法無得相
者則能爲諸衆生說斷倚巢窟法是爲菩薩
能過魔界爾時寶手菩薩白佛言世尊若有
取我我所者是爲魔界若有菩薩不取我我

所者則無諍競以無諍競故則無心行況當
有魔界耶是爲菩薩能過諸魔界爾時無諍
勇菩薩白佛言世尊若有觸有離則有諍訟
有諍訟者魔得其便若無觸無離自不諍訟
亦不令他諍訟以得無我故無惱行者能過
諍六
魔界爾時寶思菩薩白佛言世尊若有妄想
分別則是煩惱及有煩惱處則是魔界若有
菩薩知一切諸法無相貌者於諸煩惱則無
妄想若內若外亦不別知去離一切妄想分
別故是爲菩薩能過魔界爾時樂行菩薩白

佛言世尊若有樂不樂處則有憎有愛若有
憎有愛則有魔界若有菩薩去離憎愛平等
行者於諸法中則無二想得入不可思議界
是爲菩薩能過魔界爾時離諍菩薩白佛言
世尊魔界由我而起若菩薩能知我者得無
我忍即知我淨知我淨故知一切法淨知一
切法淨故知諸法性淨如虛空是爲菩薩能
過魔界爾時法自在菩薩白佛言世尊若順
煩惱法爲愛所使者魔則得其便世尊若有
菩薩於諸法中最得自在自然開悟以爲諸

佛之所授記於菩提法終不退轉是爲菩薩能過魔界爾時山相擊王菩薩白佛言世尊若心有缺漏則是魔界若菩薩戒無缺漏心無缺漏成就一切諸空法行者是爲菩薩能過魔界爾時喜見菩薩白佛言世尊若有不見佛不聞法者魔得其便若有菩薩常見諸佛而不著色像常聽諸法而不著文字以見過魔界爾時香象菩薩白佛言世尊若有菩薩怯弱畏甚深法者則魔得其便若有勇健法故則為見佛以無言說故能聽諸法是爲菩薩能過魔界爾時帝網菩薩白佛言世尊若有恃有勤則是魔界若菩薩善順精進知

一切法究竟無成就相故不恃不勤是爲菩薩能過魔界爾時德明王菩薩白佛言世尊若有行二法者則魔得其便若有菩薩知一切法同於法性則不見魔界與法性有異解知法性與魔界等以不二相故是爲菩薩能過魔界爾時香象菩薩白佛言世尊若有菩薩怯弱畏甚深法者則魔得其便若有勇健菩薩善能通達三解脱門於甚深法不驚不畏以能現前證知諸法實性故是爲菩薩能過魔界爾時彌勒菩薩白佛言世尊譬如大

海中水同一鹹味佛法海中亦復如是同一法味所謂解脫味離欲味若菩薩善解一味法者是爲菩薩能過魔界爾時虛空歲菩薩白佛言世尊喻如虛空究竟無垢究竟明淨究竟不爲一切煙塵雲霧之所干繞菩薩亦

復如是心如虛空知一切法性常清淨亦復不爲客塵煩惱之所干繞得度般若波羅蜜彼岸離諸閻冥於諸法得慧光明者是爲菩薩能過魔界爾時文殊師利法王子菩薩白佛言世尊若有言語則有滯礙若有滯礙則

是魔界若法不爲一切言說所表者乃無滯礙何謂法不可言說所謂第一義其第一義中亦無文字及義若菩薩能行第一義諦於一切法盡無所行是爲菩薩能過魔界無所過故爾時世尊告波旬言汝聞說過魔界法

第六

不耶波旬白佛言世尊唯然已聞佛言波旬若有行如是等法者一切諸魔無如之何若有諸魔欲於行人起魔事者終不能辨而更成就無量罪聚是故波旬汝可發阿耨多羅三藐三菩提心於如是過魔界法應堅持奉

行汝若能如是行者則能過一切諸魔國界
波旬喻如百年垢膩可於一日浣令鮮淨如
是於百千劫中所集諸不善業以佛法力故
善順思惟於一日一時盡能消滅波旬如有
乾草積大如須彌以少火投中速能燒盡如
是以少慧力故能除滅無量諸闇冥聚何以
故波旬慧明勇猛故無明劣弱故時魔波旬
即作是念大慈世尊令憐愍我而能爲我說
菩提心法我今宜應於如來所種少善根於
是波旬即化作八萬四千殊妙寶蓋及無量

花鬘瓔珞末香塗香而告已眷屬言諸佛世
尊出世甚難卿等諸人咸應共來至世尊所
爲供養故爾時魔天眷屬中有八萬四千衆
及魔波旬各共持殊妙寶蓋及無量花香瓔
珞末香塗香至世尊所設供養已皆發阿耨
波旬多羅三藐三菩提心諸餘魔眷屬諸天不發
菩提心者形相嗤笑譏論波旬復言希有波
旬乃能於沙門瞿曇前詐現如是篤信之相
狀如至親所以然者波旬或欲於沙門瞿曇
所學呪幻方術是故今於面前現善讚譽耳

爾時魔子醜面及餘魔子等悉無信心各說
是言假使沙門瞿曇以諸方術迴轉魔王者
我等共當設諸方便令如是等經不得流布
設使流布者亦當令少有護助信受行者亦
令甚少常爲多人之所薄賤輕弄常墮邊方
不令中國之所宣傳唯使諸無威德貧窮衆
生當得聞之常爲諸大威德豪富之人不信
誹謗也爾時世尊告虛空藏菩薩言賢士汝
聞此諸魔子出是惡言不耶虛空藏白佛言
唯然已聞佛言善男子是故汝當安慰護助

此妙經典爲降伏諸魔神故於是虛空藏菩
薩即白佛言諸佛世尊皆已護持如是等經
我等亦當安慰受持爾時虛空藏菩薩即說
四曰所謂

阿跋低一跋低二毗跋低三婆醯多窩散提

四頭樓陀羅尼五涅伽多涅伽多尼六賸咩
鉢伽多尼七迷羅育低八伽樓那涅耐提九
薩遮跋低十浮多勒差十一達摩涅折低十二
摩勒差十三郁鳩離十四尸鳩離十五味樓味樓咻
樓德迦攤十六婆婆帝低十七尸羅菟婆帝低

八十阿叉夜涅涕池九杖奢婆迦利施十佛駁
遏提魅低二十達摩蔚者羅泥二十僧伽嵬
鉗咩三二十阿嵬頭隸四

不可濟渡壞魔眷屬若犯此者無諸刀仗
續大順已處行聖衆所作吉吉等句順流解脫
破諸外論降伏魔衆四王常護及天帝釋
梵王世主奉佛諸天護菩提者如是等神
常當擁護降伏衆魔利衆生故受持正法
護說法師盡當擁護

虛空藏菩薩說此既已即時此妙寶莊嚴堂

及三千大千世界六變震動時諸魔子見上
虛空中有五百密迹執金剛杵熾然如火甚
可怖畏時諸密迹唱如是言若有魔子及諸
魔神若聞此呪其有不發阿耨多羅三藐三
菩提心者吾等當擊破其頭令作七分爾時
魔子及諸眷屬驚怖戰悚身毛皆堅即合掌
禮佛而白佛言我等今發阿耨多羅三藐三
菩提心善哉世尊願救我等離此恐怖得無
是樂爾時世尊告侍者阿難言如向此諸魔
子所說言我等當於來世於此經典作留難

事必當稱其本誓而作留難如斯經典唯當以佛神力及諸菩薩受持故當得流布於世而無有多人受持讀誦分別解說佛復告阿難汝見此諸魔子爲脫恐怖故發阿耨多羅三藐三菩提心大不阿難白佛言世尊唯然已見佛復告阿難言此語即爲諸魔子當作離魔事因以不深心發菩提故佛復告阿難於未來世當有佛出現於世名無垢相如來應正遍知此魔波旬於彼佛所乃當不退轉發阿耨多羅三藐三菩提心阿難彼無垢相如

來知其深心成就故當授阿耨多羅三藐三菩提記當于爾時亦當作魔王深心敬信於如來正法如彌勒出時有魔王名曰導師深心敬信佛法聖衆此諸五百魔子亦當於彼生於魔中當於彼佛所爲菩提故種諸善根乃至波旬成佛之時當與授阿耨多羅三藐三菩提記佛告阿難言此魔波旬今雖發菩提心猶豫不定如少蠶毳雖爾當漸漸成就無量功德爲世之尊如今我身爾時衆中有無量無邊諸天世人釋梵護世聞授魔波旬

記當得成佛歡喜踊躍怪未曾有合掌向佛而作是言希有其見佛者必得成就無量功德法寶之聚所以然者或有不信衆生爲欲燒亂如來故而得見佛或有遇會得見佛者即爲彼衆生作因乃至令得涅槃又白佛言世尊自除如來應正遍知誰能如是分別知衆生根佛告諸天人言如汝等所言其有得見如來者無不蒙益汝等當知或有衆生善根都盡於無量阿僧祇那由他劫無人身分者如是衆生見如來故即使得作善因乃至

涅槃如來乃能如是作無量不可思議無上福田佛復告諸天人言心性常淨而凡愚衆生不能如實知見以不能如實知見故言是垢能正知見故便言是淨而第一實義中無有一法可淨可汙汝等當知諸煩惱者無方無處非內非外以不善順思惟故便生煩惱善順思惟故則無煩惱增減不等則生煩惱無增減者則無煩惱虛偽妄想便是煩惱無妄想則無煩惱是故我言如實知邪見則是正見而邪見亦不即是正見能如實知者論六

則無虛妄增減取著是故名爲正見佛復告諸天人言喻如大地依水界住大水依風界住大風依虛空住虛空無所依住如是大地無所依住而假有依住之名是故汝等當知是知之苦依於業業依於結而苦業結都無所依以心性常淨故如是當知一切諸法無有根本都無所住以假言說故言有而實無也是故說一切法本性常淨究竟無生無起佛復告諸天人言是故汝等當知此法門名爲性常淨法門菩薩通達此門者不爲一切

煩惱之所染汙而亦不恃此清淨門以捨一切諸恃動故便得平等道能過魔界入於佛界亦能得入諸衆生界而不動法界知一切法無界無非界而能速至一切智界當說此法時有五百菩薩得無生法忍爾時申越長
雄大
者在於衆中從座而起頂禮佛足白佛言世尊爲我故說如是等甚深經典我先爲觸惱世尊故作大火坑及設毒飯而大聖如來是不可害者故我於佛生信敬心自爾以來疑悔心結尚未能除滅今者從佛聞此甚深微

妙經典疑悔即除心無障礙得安樂行世尊
是故我信敬心轉復增長令我家中多諸財
寶當以供佛法僧及諸沙門婆羅門貧窮孤
獨下賤乞兒世尊誰當聞是斷一切縛甚深
經典而於一切諸物生貪著者乎爾時虛空
藏菩薩白佛言希有世尊諸佛如來無上菩
提甚爲甚深難可測知若有菩薩於未來世
捨己身命及利養名譽而能持佛菩提者甚
爲難有爾時衆中有六十八億菩薩從座而
起合掌向佛一時同聲而說偈言

世尊滅後我等能忍捨身壽命爲護正法
捨利名譽離諸貪著願護正法爲佛智故
罵詈呵責及譏刺語護正法故當忍受之
輕賤毀弄唱說惡名當以慈忍爲護此經
來世比丘計著諸有與魔爲黨誹謗正法
毀禁行惡樂著俗累爲利所覆不樂正法
恃詭俗典憍慢放逸高歎己能蔑正行者
常捨閑靜樂處慣鬧習世文詞計著吾我不
營教化不業智慧捨離坐禪不親三寶
無有智慧群黨求利動與結俱樂受他供

他慈心施惜猶已有數到彼說諸世事
田宅居業及販賣事勤求息利猶言沙門
傲慢著有依邪險見聞性空法當大驚怖
言後長遠但求現報當虛妄說非法言法
如是大灾弊惡比丘魔及魔子復當佐助
第十六
經文是一說義各異各是已論愚者當爾
諸深妙經能與解脫當壅遏之反說淺事
我勝汝劣由勝得果於佛法中當如是競
如是競時衆生數壞爲非法王之所惱逼
於是末世甚懷可畏我持正法救世所說

我常慈心不捨法律生正大悲爲世作護
毀禁樂惡不住正法墮墮何道我常憂愍
見故作惡謗毀正法我終不共與爲親黨
常任我力善護口過見無用人不說其短
我住聖種頭陀護戒處定習慧常勤修行
離世憤鬧樂處閑靜無善如鹿善調知足
若至聚落攝根少語見說法者共論正法
愛語利益以化衆生又與說法令斷惡行
我爲正法極遠當往爲彼說法利益衆故
若見凡愚有缺失者但當自護住法行忍

毀辱恭敬當如須彌不染世法爲世導師
毀禁比丘若來呵責自省己行將是業報
第十六當爲是等嫉惡衆生先意善言現爲恭敬
彼即生念我亦沙門成就是德無惡名乎
諸毀禁等如失志人聞是經憂如剉照鏡
其作方便不欲聞之復教餘人言非正法
又教國王壞臣民心誹謗正法言非佛說
我等於時以佛力故爲持正法不惜身命
世尊知我言無有二當堅護持住是正法
住誠實語如說而行悅可諸佛乃成菩提

爾時虛空藏菩薩讚諸菩薩言善哉善哉諸
大士汝等乃能發誠實願受持如來甚深微
妙無上大法甚爲快也虛空藏菩薩白佛言
世尊其有善男子善女人受持讀誦此經典
者得幾所福佛告虛空藏言賢士譬喻如東方
十三千大千世界南西北方四維上下各十
三千大千世界盡末爲微塵以爾所塵集爲
一聚設有一人成就神足無量威德壽命長
遠此人持諸微塵過東方爾所塵數世界乃
下一塵如是展轉東行盡此塵聚而諸世界

猶不可盡如東方世界南西方四維上下復過爾所佛土乃下一塵如是展轉諸方世界盡此塵聚而諸世界猶不可盡虛空藏於汝意云何是諸世界寧爲多不虛空藏白佛言甚多甚多世尊無量無邊不可計知佛言

賢士是諸世界微塵所著處及不著處盡此微塵所及世界已還爲一大城縱廣高下悉皆同等於其城中滿菩薩子賢士是諸菩薩子可數知不虛空藏白佛言世尊假設譬喻猶不能了況可數知唯除如來無能數者佛

告虛空藏言如是如是汝所言唯如來能知是諸菩薩子若百數千數百千萬數佛言賢士設有一人成就神足無量威德能以口吹是諸菩薩子布散十方一菩薩子墮一佛世界終不過一賢士於汝意云何是諸菩薩子所及世界寧爲多不虛空藏白佛言世尊是諸世界乃非心力所能分別設分別者令人心迷錯亂賢士我今告汝若有行菩薩道善男子善女人日日以滿爾所等世界無量珍寶持用布施無有休廢不營餘事若復有善

男子善女人受持讀誦書寫此甚深經典不求利養爲菩提故乃至爲一人說使其人聞已勸令於阿耨多羅三藐三菩提乃至發一善念欲令正法久住世故此人功德復過於彼布施者上百倍千倍百千萬倍乃至非筭數譬喻所及何況能令住阿耨多羅三藐三菩提者何以故賢士以能說如是無量善根成就諸菩薩爲護持正法故賢士我不見菩薩更有餘法能過於是堅固正行攝諸善法教化衆生者也爾時虛空藏菩薩白佛言世

尊希有如來不可思議如來大法亦不可思議如如來大法不可思議其受持此經典者所得功德亦不可思議唯願世尊護持此經爲當來世令受持此正法諸善男子善女人手得是經執在曾懷不離是經若應離生死_{第六}
者不從他聞自然得悟菩提悟菩提已廣爲他說佛言善男子諦聽諦聽善思念之吾當爲護此經故當說章句召護世四天王帝釋梵天王等諸神以此章句召故護世四天王天帝釋梵天王當擁護諸說法師持此經者

說此世所難信甚深經典時使無能作留難
所謂若王大臣驅遣出國若得重病若鬪諍
起時若國土疾疫如是等事起時以呪術力
故即令消滅不得成就何等爲呪術章句所
謂

頭頭麗一提提麗二陀夜跋帝三陀夜羅伽
羅四尼帝提五毗婆知六賒咩七賒彌多毗
八目企九羶帝低十尼嚩拏十一阿嵬多麗
十二鳴多羅尼十三婆敷斯十四鉢他輸陀尼十五鉢
陀嵬快十六鉢陀散提十七般若牟麗十八阿婆究

麗十九浮陀勒差二十律那薩枝二十多婆薩枝
二十多婆鉢低三十

隨佛意順法性恭敬僧世主信護世四王爲
諸佛子受持此呪護說法者爾時四天王即
從座起合掌向佛而白佛言世尊我等當謹

此諸佛子受持經者即說呪曰

首鞞一首婆鉢低二首提帝三目哆擁四陀
梨擁五陀羅尼六頗耽糜七阿丘擁怯卑八
阿目企九陀羅尼陀擁十敷首曬醯那十一脾
提脾陀賴散提十二三咩十三婆夜咩十四摩賴

彌^五波扇哆^六休休^七醯醯^八丘樓^九丘樓
麗^九
於時四大天王自在者說此不可犯呪已爾
時天帝釋即從座起心淨悅豫合掌向佛而
說偈言

末世餓饉時 大稱諸賢士 受持說此經

於是帝釋說此偈已即說呪曰

彌低一首脾^二摩訶彌低三達摩彌低四天
多伽麗^五三摩彌低^六薩遮彌低^七那提咩

八 阿菴多麗^九阿菴頭擁^十阿菴勒差^{十一}薩
婆薩埵阿菴伽醯^{十二}阿那菴多卑^{十三}修莫低
阿毗盧提^{十四}阿毗伽醯^{十五}浮提菩舍咩^{十六}
膩魑^{十七}遏他尼低^{十八}泥提羅尼^{十九}阿那他婆
差帝^{二十}咩低^{二十一}咩低闍耶私^{二十二}修莎

羅^{二十三}

汝等起禪樂 來護持法者 諸世界世尊
皆悉共受持

爾時梵自在天王即從座起讚彼釋梵護世
諸天言善哉善哉汝等乃能爲護正法持法

說法者故發大莊嚴汝等正應如是甚得其
宜隨如來法律住世久近於爾所時中當有
識別正行法行於爾所時中諸天世人甚當
熾盛充滿宮宅此法滅後諸天世人轉當減
少宮宅空荒爾時世尊告彌勒菩薩言彌勒
第六
汝受持此甚深經典讀誦書寫廣爲人說彌
勒我今以如斯等甚深經典囑累於汝今此
大法久住世故降伏諸魔故爲利益一切衆
生故令一切外道不得便故教勑一切菩薩
使親近此經不遠離故欲令佛法大明久住

於世不衰滅故使佛法僧種不斷絕故爾時
彌勒菩薩即白佛言世尊我於如來在世及
滅度後常當受持此甚深經典廣宣流布所
以者何受持此法者則爲受持過去未來現
在諸佛正法非但受一如來法也世尊我亦
爲自護己法故世尊我常與諸天大衆普會
處兜率天宮每爲廣說如是等甚深經典我
復當令人中受持讀誦此經典者使手得是
經執在眉懷不離經卷世尊若後末世法欲
滅時其有受持此經轉爲人說者當知皆是

彌勒威神之所建立世尊當於爾時雖多諸魔事燒亂行人諸說法者依煩惱魔爲魔所持故不樂此經不勤修習互相是非我等共當勤作方便令說法者愛樂是經常勤修習讀誦通利廣爲人說爾時世尊讚彌勒菩薩言善哉善哉彌勒汝乃能爲護持正法故作師子吼汝不但今於我前作師子吼亦於過去無量阿僧祇諸佛前作師子吼護持正法爾時世尊告大德阿難言阿難汝受持此經耶阿難白佛言唯然世尊以佛神力故我已

受持佛言阿難汝常當廣爲四衆分別解說若有先種善根樂勝法者如是等人間已則能信解受持讀誦廣爲人說其人則得無量無邊不可思議大功德聚阿難即白佛言世尊當何名斯經云何奉持佛言阿難此經名勸發菩薩莊嚴菩提當如是奉持爾時功德莊嚴菩薩在於衆中即從座起右膝著地合掌向佛白佛言希有世尊如來爲擁護正法及說法者故善能如是讚歎此經世尊諸新學菩薩爲菩提故種諸善根以種種花香瓔

雜六

十八

瑣末香塗香勤供養如來而不受持此經是人頗成以第一供養供如來不佛言善男子不成第一供養如來亦不能以此因緣得無量功德不如是善男子善女人受持此經者功德甚多爾時世尊即說偈言

我以佛眼所見佛刹周遍十方廣大無邊爾所諸界盛滿珍寶菩薩以此恒用布施若有於此甚深妙經無所得法諸佛所說而能受持爲人演說此人功德復多於彼花香瓔珞塗香末香寶蓋幢旛上妙衣服

以是供具普滿諸界供養如來迴向佛道若後末世法欲滅時於救世法勤修護助受持正法不放逸行此功德聚復多於彼十方世界一切巨海盡盛滿中上妙香油作大燈炷猶如須彌然以供養一切諸佛法炬若欲斷滅之時知世衆生無明所覆若能然此大法炬者此人功德復勝於彼我之所見無量諸佛雖億千劫種種供養諸天上衣適意供養不能受持此妙經典若於諸佛知有重恩擁護三寶爲報恩故

第六十九

爲欲饒益一切衆生受持此經福勝於彼我以佛眼所見衆生若有能教盡成釋梵所得功德不如書寫持此經者功德甚多大千世界所有衆生若有能教盡成二乘若有能發菩提心者護持此經功德復勝持經功德假令是色悉當充滿十方世界唯除如來無上大智更無能知此功德者如如來智無有邊際虛空法界亦無邊際能持如來此經法者功德無邊亦復如是爾時功德莊嚴菩薩白佛言世尊如我今者

信解如來所說義趣後五百歲法欲滅時諸發大乘心衆生其不受此經法將知是等爲魔所持墮佛法外世尊我今堪任如來滅後受持此經欲令佛法久住世故爾時世尊爲囑累此經法故放大光明普照十方無量阿僧祇諸佛世界彼諸如來亦爲囑累此經法故皆放眉間白毫相光普照十方一切世界無不周遍說此經已如來以大神力放光明時無量阿僧祇諸佛世界六種震動有無量阿僧祇衆生發無上道心無量阿僧祇菩薩

得無生法忍復有無量阿僧祇菩薩得一生
補處善根又復過是無量阿僧祇衆生得聲

聞乘住學無學地佛說經已虛空藏菩薩大
德阿難諸菩薩大衆及諸聲聞諸天世人聞

佛所說皆大歡喜

第六

三

大方等大集經卷第十六

音釋

析先分也切覩五換習也切憊莫結輕也切標力質也
悚息挾怖也切嗤亦脂笑也切醯呼雞切切劙如鈎切
切過鳥割切切蔚於罵切切罵詈罵莫駕切置力及旁

曰剉魚器切尊蘭草特丁切皴切過嗜巨
罟鼻切蘿蔓即擊切皴切過嗜巨
切第天黎鬼丑知切
切嘴切

永樂北藏

大方等大集經

第二三冊